



西瓜个滋味

「來哦，好食个西瓜，又沙又甜全然好食哦！食了得你心涼脾土開。」逐回若經著莊下車歸車个西瓜出來賣，即會想著遐西瓜甜甜沙沙食了攞想討食，得你一世懷念个滋味。西螺大橋下个溪底田，成過種滿歸田洋个西瓜。得人經毋會盡个西瓜田，在烏昏時，企在西螺大橋面上經過西片裡，日頭落山个西瓜田係恁靚恁好睭，仰子知這係用命向天硬討來个。

在前一年做颱風落大兩個時，醺水溪水漲起來，經遐滾滾醺醺个溪水硬討滿過礮塹，得人感受著做大水个恐怖。雨略略較細一兜，溪水較退一兜，作穡人提生命向天討土地。這時務即坐自家裁竹編个竹排，載一把一把个竹筴，一步一險个撐向溪底，拗一枝一枝个竹筴插落溪底，一步一步圍起來自家个新天地。等大水退啊，溪底即現出自家用生命換來个溪底田。攞來用幾下個月个時間整理大水過後个肥田，拗西瓜秧種落去。用一摠一摠个禾稈把在秧後背，替佢人遮風。經秧一日一日大，作穡人全部个希望攞寄在遐。等西瓜大粒值討好捋个時，嘛愛祈求天公保護，得佢人一個好天氣，得這水个西瓜收過手，有一個好年冬。

俁六月冬个時，禾討好割進前，西瓜即好收成啊，粒粒上粉个西瓜經起來係恁靚，一粒一粒大嫻粒个西瓜，像天嶼个星滿佈西螺大橋下，得你算毋會盡、經毋會透。作穡人在天官光雞官啼个四點外，歸火灶个人即做一下出門。來到位田底，靠老經驗開始捋瓜，老師傅在頭前目珠相著瓜，用手指頭輕輕杓一下，即知瓜个好稔。攞來用弓蕉刀拗蒂割斷、拗瓜掇起來。後背跔著氣力飽滿个作穡人，擔著用大腳盆鑽空繩索个擔頭，一頭一粒大西瓜，拗佢擔出去田頭。細子人氣力毋罉，兩儕用扛个，即按西瓜一粒一粒收成起來。這時務，經落去溪底，滿田洋攞係淦淦个人，大家作埕打拚生活。

這時務个莊下即不時有人用三輪車載歸大車个西瓜來喝賣，屋下討割禾个人即會買幾下粒起來園，等割禾遐日，半晝子即有西瓜好食。逐儕流汗像得雨潑著，一直流毋會歇。食著遐甜甜沙沙个西瓜，感覺止渴好食，氣力又攞有啊，一賺過一賺，大家食到歡喜滿足，這西瓜个滋味嘛得佢一世記核核。

作者：李秉璋

☆詞彙學習☆

- | | |
|--|--|
| 【車歸車】cha ^ˊ gui ^ˊ cha ^ˊ ：載整車，前面的「車」當動詞，載的意思。 | 【值討】dad ^ˊ too ^ˊ ：快要。 |
| 【田洋】teen ^ˊ rhiong ^ˊ ：農田，一望無際的農田像海洋一樣。 | 【保護】boo ^ˊ fu：保佑。 |
| 【烏昏】bbu ^ˊ fun ^ˊ ：黃昏。 | 【這水】li ^ˊ fi ^ˊ ：這一季。 |
| 【醺水溪】neeu ^ˊ fi ^ˊ ke ^ˊ ：濁水溪，因溪水混濁得名。 | 【收過手】shiu ^ˊ goo ^ˊ shiu ^ˊ ：指完成收成未遇天災的破壞。 |
| 【撐】cang ^ˊ ：用竹篙插到水中用力移動竹筏。 | 【上粉】shong ^ˊ fun ^ˊ ：在瓜果類成熟時會在表層產生一層果粉。 |
| 【一摠】rhid ^ˊ zung ^ˊ ：一束，稻草一束一束的稱為「摠」。 | 【杓一下】diag ^ˊ rhid ^ˊ ha：用手指頭屈指彈一下。 |
| 【把】ba ^ˊ ：把守、保護。 | 【一賺】rhid ^ˊ neem ^ˊ ：一片，計算楊桃、西瓜、柑橘等果肉剖開後的稜片單位。 |